



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-626-2/24**
Datum: **19.12.2024. godine**

«Agencija za vodno područje rijeke Save» Sarajevo rješavajući po zahtjevu Investitora Hrnjić (Sejad) Mirnese iz Visokog za donošenje rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za tov pilića u naselju Goduša, grad Visoko, na osnovu člana 139. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Investitoru Hrnjić (Sejad) Mirnesi iz Visokog, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za tov pilića kapaciteta do 20.000 pilića/turnus, koji se planira graditi u naselju Goduša, na zemljištu označenom kao k.č. broj: 1490 K.O. Goduša, grad Visoko, a na osnovu projektne dokumentacije:
 - Glavni projekat vanjskih hidroinstalacija, objekat za tov pilića, Visoko, Goduša, urađen od «PERSPEKTIVA-inženjering» d.o.o. Visoko, šifra: 117.AM.PER.X/24, septembar 2024. (revidovan od «ZAVOD ZA VODOPRIVREDU» d.d. Sarajevo, novembar 2024.).

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na izgradnji sistema za prikupljanje, odvodnju i zbrinjavanje otpadnih voda nastalih u postupku pranja i čišćenja objekta za uzgoj, kao i objekta za zbrinjavanje đubriva, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Objekti za prikupljanje, odvođenje i zbrinjavanje otpadnih voda od pranja objekta i opreme kao i objekat za zbrinjavanje đubriva moraju se ispitati na vodonepropusnost.
 - 3.3. Ishodovati okolinsku dozvolu od strane nadležnog organa ili potvrdu da ista nije potrebna.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.5. Da se izgradnja i korištenje predmetnog objekta vrši u skladu sa mjerama zaštite, zabrana i ograničenja utvrđenim u važećoj Odluci o zonama sanitarne zaštite izvorišta «Vrutak» i «Šećine njive», općina Visoko („Službeni glasnik općine Visoko“, broj: 2/19).
 - 3.6. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti za sagrađeni gospodarski objekat (farma za tov pilića kapaciteta do 20.000 pilića/turnus) broj: 04/1-19-2-292/23 od 05.03.2024. godine izdatog od Službe za urbanizam, imovinsko-pravne, geodetske poslove i katastar nekretnina Grada Visoko.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Investitor Hrnjić (Sejad) Mirnesa iz Visokog, svojim zahtjevom, zaprimljenim 12.12.2024., zatražila je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za tov pilića kapaciteta 20.000 pilića/turnus, koji se planira graditi u naselju Goduša, na zemljištu označenom kao k.č. broj: 1490 K.O. Goduša, grad Visoko, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija lične karte Investitora,
- Dokaz o uplaćenju upravnoj taksi,
- Ovjerena kopija Rješenja o izmjeni rješenja o odobrenju za obavljanje srodne djelatnosti broj: 05/2-17-1-56/23 od 13.07.2023. godine izdatog od Službe za finansije, privredu, poslovne prostore i ekonomski razvoj Grada Visoko,
- Kopija Rješenja o urbanističkoj saglasnosti za sagrađeni gospodarski objekat (farma za tov pilića kapaciteta do 20.000 pilića/turnus) broj: 04/1-19-2-292/23 od 05.03.2024. godine izdatog od Službe za urbanizam, imovinsko-pravne, geodetske poslove i katastar nekretnina Grada Visoko,
- Kopija Urbanističko-tehničkih uslova broj: 04/1-19-2-292/23 od 19.09.2023. izdatog od Službe za urbanizam, imovinsko-pravne, geodetske poslove i katastar nekretnina Grada Visoko,
- Kopija Rješenja o prethodnoj vodnoj saglasnosti broj: UP-1/21-1-40-507-6/23 od 05.01.2024. izdatog od «Agencije za vodno područje rijeke Save» Sarajevo,
- Glavni projekat vanjskih hidroinstalacija, objekat za tov pilića, Visoko, Goduša, urađen od «PERSPEKTIVA-inženjering» d.o.o. Visoko, šifra: 117.AM.PER.X/24, septembar 2024. (revidovan od «ZAVOD ZA VODOPRIVREDU» d.d. Sarajevo, novembar 2024.) (na uvid i ovjeru).

Nakon uvida u dostavljenu dokumentaciju konstatovano je sljedeće:

- Sagrađeni objekat farme za tov pilića je lociran u naselju Goduša, grad Visoko. Parcela na kojoj je objekat ne nalazi se u vodnom dobru i poplavnom području vodotoka I kategorije. Na osnovu Odluke o zonama sanitarne zaštite izvorišta „Vrutak“ i „Šećine njive“, općina Visoko (Sl. glasnik općine Visoko, br. 2/19) parcela se nalazi u IV zoni zaštite izvorišta „Vrutak“ i „Šećine njive“.
- Objekat je P+1 kapaciteta 20.000 pilića/turnus.
- Tehnološke otpadne vode koje nastaju u procesu pranja objekta nakon završenog turnusa će se prikupljati sistemom slivnika i kanalizacione mreže i odvoditi u vodonepropusnu sabirnu/osočnu jamu bez ispusta.
- Za privremeni smještaj đubriva, do konačnog odvoza na poljoprivredne površine, je predviđena izgradnja armirano-betonske vodonepropusne lagune.
- Predviđeno je da se snabdijevanje vodom obezbijedi putem priključka na gradski vodovodni sistem.
- Sanitarно-fekalne otpadne vode će se prikupljati u septičku jamu.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Služba za urbanizam, imovinsko-pravne, geodetske poslove i katastar nekretnina Grada Visoko.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-507-6/23 od 05.01.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija, objekat za tov pilića, Visoko, Goduša, urađen od «PERSPEKTIVA-inženjering» d.o.o. Visoko, šifra: 117.AM.PER.X/24, septembar 2024. (revidovan od «ZAVOD ZA VODOPRIVREDU» d.d. Sarajevo, novembar 2024.), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Prilog:

- Ovjerena projektna dokumentacija: Glavni projekat vanjskih hidroinstalacija, objekat za tov pilića, Visoko, Goduša, urađen od «PERSPEKTIVA-inženjering» d.o.o. Visoko, šifra: 117.AM.PER.X/24, septembar 2024.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Mirnesa (Sejad) Hrnjić
Goduša bb, 71300 Visoko (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava